

唐圭璋編

全宋

詞

第十八冊

國立編譯館

全宋詞卷二百七十七

蒲壽晟 十八首

袁 易 三十一首

蒲壽晟

壽晟泉州人
有心泉詩餘

滿江紅 登樓
偶作

樓倚虛空覺人世不知何處人縹緲半檐星斗一窗風露潮退沙
平鳬雁靜夜深月黑魚龍怒把青樽獨自笑餘生成何事 塵埃
外談高趣煙波上題詩句這美景良宵且休虛度夢覺宦情甜似
蠟老來況味酸如醋念兒曹南北幾時歸情朝暮

賀新郎 贈鐵
笛

鐵笛穿花去問長安市上生涯而今何似破帽青衫塵滿面不識
何人共語且面壁聽風口雨惟我虛中元識破笑人閒日月無停

杼名與利莫輕許 人生窮達皆天鑄試燈前爲問靈龜勸君休
肯心肯命通元有數何幸知晉記取季主也應留得住百歲光陰
彈指過算伯夷盜跖俱塵土心一寸人千古

漁父

萬里長江一釣絲蕭蕭蓬鬢任風吹微雨過片帆敲青山濃淡更
多奇

又

江渚春風澹蕩時斜陽芳草鷓鴣飛蓴菜滑白魚肥浮家泛宅不
曾歸

又

煙浦迴環幾百灣無人知此檣頭船風露冷月娟娟雲開一過看
飛仙

又

野纜閒移在笕江旁人爭看老眉龐鋪月席展風窗飛來何處白
鷗雙

又

葭荻橫披衆水東浪花如雪晚來風雲母幌水晶宮蓮花一葉白
頭翁

又

飄忽狂風一霎閒長魚吹浪勢如山牢繫纜蓼花灣白鷗沙上伴
人閒

又

清曉朦朧古渡頭煙中人語鶻聲柔雲五色蜃成樓雞鳴日出似
羅浮

又

搔首推篷曉色新雪花飄瞥大江濱漁父醉不收緝白髭紅頰玉
爲人

又

明月愁人夜未央篷窗如畫水浪浪何處笛起淒涼梅花噴作一
天霜

又

白首漁郎不解愁長歌箕踞亦風流江上事寄蜉蝣靈均那更恨
悠悠

又

琉璃爲地水晶天一葉漁舟浪滿顛風肅肅露娟娟家在蘆花何
處邊

又

江上浪花飛灑天拍塔鞆鞆屋如船月不夜水無邊何處笛聲人
未眠

又

遠入茫茫無盡邊漁舟來往似行天敲枕看不成眠誰識人閒太
乙仙

又

書玄眞
祠壁

白水塘邊白鷺飛龍湫山下鯽魚肥敲雨笠著雲衣玄眞不見又
空歸

又

巖下無心雲自飛塘邊足雨水初肥龜曳尾綠毛衣荷盤無數爾
安歸

欸乃詞贈漁父
劉四

白頭翁白頭翁江海爲田魚作糧相逢祇可喚劉四不受人呼劉

四郎以上朱本心泉
詩餘十八首

袁易

易字通甫平江人少敏於學不樂仕進
爲石洞山長闡明朱熹之學有靜春詞

聲聲慢壽張
仲實

籤芸垂砌帶草榮連一庭生意天寬半卷書帷絃歌畫永人閒西
冷軟紅自遠對森森喬木蒼寒拈綵筆洒雲烟零亂飛度吳山

穀雨初收時候向魏紫屏幃舞袖爛斑更喜今年濃恩爲染羅欄
傾盃燕鶯院宇擁神仙綠鬢朱顏春似錦駐風光都在牡丹喬木
所居

名亭

臺城路壽戴
剡源

湖山青倚東風外天呈圖畫嵐壁竇瀑流雲溪源漱玉人物冰壺
同色清才賦筆卷千頃秋漠素口飛入笑睨西湖斷煙零霧半篙
碧貞元朝士未老舊家供奉曲前事休憶芹藻官清絃歌興遠
花底綠尊頻側虛亭晝寂愛晴影岩巖翠陰狼藉見說長生盡從
閒裏得岩巖亭名
剡源所居

高陽臺鷓鴣
菊

浴水雕翎眠紗綉羽天然宜在滄洲翠被餘聲涼霄陡頓驚秋妖
姿不共流年謝帶睡魂飛上枝頭任煙波多少淒涼分付輕鷗
金英濃露纔收誤菱荷翻雨口夢悠悠陶令歸來十分芳意誰酬
惜花長是招花惱況動人名字風流黯銷凝添得東籬一段困愁

木蘭花慢

九月一日與彥良及南山上人遊張氏園見
海棠數枝彥良屬予賦詞末章蓋爲彥良發也

對荒臺老樹雲物澹水容清更犀塵玄談疎髯長嘯此地逢迎幽
并故多俊傑看賦詩鞍馬氣縱橫畫擁金城傍柳夜呼銀甲彈箏
齊奴錦去綠蕪生歌院鎖蟲鳴問斜日秋光猩紅睡魄知爲誰

醒盈盈倚牆弄色更無言向客最合情折贈何人雲鬢今宵腸斷

西冷

憶舊遊

元夕雨

記笙歌茂苑綉錦吳飲京樣風流夜弛金吾令正籠紗競陌霧暖
春柔翠蓬閣府移下花影一天浮任畫管催更玉繩掛曉猶醉西
樓 回頭事如夢奈杜牧多情難忘揚州小雨重門閉但簷花敲
句燈影籠愁黛雲暗鎖粧鏡不是玉娥羞怕倦客今宵憑欄見月
懷舊遊

南鄉子

十月海棠盛開

酒暈映朱唇離畔嫣然別是春笑殺當時桃與李紛紛只作東風
一窖塵 霜月夜寒新睡起斜紅懶未勻誰道風流飛燕去無人
更有香肌不粟身

江城子

爛鋪蜀錦寫烏絲憶傾卮燕來時猶記半揎雲袖見凝脂燕子只
今何處去庭院悄誤心期 綠蕪凋盡衆芳遲弄仙姿瞰方池墮

井殘粧依約景陽妃不比春宵常苦短拚剪盡燭千枝

菩薩蠻

和天民賦十月海棠

朱唇初注櫻桃小逞嬌攏占東風早似妬臘前梅百花頭上開
絳雲生夜暖卯酒醒時晚最怕淚闌干何須帶雨看

木蘭花慢

喜玉田至

渺仙遊倦跡乍玄圃又蒼梧甚海闊天長月梁有夢雁足無書冷
然御風萬里喜□袍還對紫霞裾一自黃樓賦後百年此樂應無
蕭閑吾愛吾廬花淡□當作淡淡竹疎疎更歲晚生涯薄田二頃甘
橘千株諸君便須小住比桑麻杜曲我何如不用南山射虎相從
濠上觀魚

八聲甘州

僕與湯師言金桂軒張叔夏唐月心諸君爲至交師言以一言在千里之外僕又驅馳南北九月望後夜泊吳江長橋有

懷諸友在吳下時得相周旋今各一方意緒惻惻爲賦八聲甘州一闋以寫愴愴之意叔夏於酒邊喜歌自製樂府故末章及之以資他日一笑云

正丹楓亂葉舞詩情驚鴻起汀洲對蒼茫獨立江山如此羈思悠
悠尙憶幽坊小檻笑語月侵樓誰遣樓心月來照行舟 波影□
雲如鏡向滄浪喚酒空闌呼鷗縱并刀堪剪還解剪離愁待歸來

輕謳淺醉想舊時張緒轉風流却說與虹橋今夕一片清秋

南柯子

僕慕呂勉夫陳天民之爲人舊疑當作久矣比一再相會酒邊僕因誦向所寄張玉田詞二公欣然屬和遂口占小詞爲謝酒闌

更唱迭和忽以成卷漫錄之以爲再會嘉話云

賣藥韓康伯還丹呂洞賓相逢況有葛天民笑殺神仙元只在紅

塵賦就甘州曲驚回池上人悟君那得筆如神割我一川秋色

一江雲

又再用

跌宕騎鯨客逍遙跨鶴賓重來休嘆舊人民擘脯傾杯閒話海揚

塵餽乏雙金贈難酬兩玉人陽臺仙女水爲神乞與空齋孤枕

夢行雲

又再用

綠酒忘年友黃花入幕賓狂歌鼓腹混堯民冷笑世間名利細如

塵二妙真無敵千篇轉逼人蛟龍驚避嗟無神爭得呼爲風雨

吐爲雲

聲聲慢

壽金桂軒時有入道之意

宿雲不卷輕雪初銷乾坤正沍冰霜清入蒼叢誰知春正在當作華

堂潘輿笑觀戲彩動星文兩兩輝煌堪羨處看春枝棣蔭蘭秀芝

芳賸占人間家慶甚興高泉石耳倦絲簧見說瑤池玉娥爲剪

霞裳神仙有緣自得且徒教笙鶴翱翔聊待我更花前沉醉幾場

臺城路

和師言送春

落紅填徑東風惡貪飛燕雛歸晚聽雨樓低留春地窄誰念閒情

消滅天涯漫覽正鳴渚波寬柳汀雲黯賴有遙峯數尖遮斷送愁

眼年年春草又綠看花人自老遺恨天遠雁柱凝塵鮫綃暗墨

青鬢吳霜輕點風流漸懶但詩惱東陽病添中散院落無人繡簾

和絮捲

燭影搖紅

春日雨中

日日春陰瑞香亭下寒成陣鳳靴頻誤踏青期寂寞墻陰徑翠被

堆床未整睡初酣風簾喚醒幾多心緒鵲語難憑燈花無準得

酒澆愁舊愁不去添新病吳綾題滿斷腸詞歌罷何人聽寶篆香

消晝永裊餘煙蕭蕭鬢影出門長嘯白鷺雙飛清江千頃

又用前韻

二月江南亂鶯繁
攬飛花陣今年春苑淡如秋
疎柳閑三徑塵網
么絃待整怕離愁
琵琶話醒牡丹猶未杜宇休催東君歸準
賦
筆才慳故人能寫蘭成病中流
獨自扣舷歌空有魚龍聽
娃館琴臺路永定何時追
隨帽影斷崖歌樹蔓草平煙憑欄俄頃

減字木蘭花

銷金菊

芳鈿簇簇曾印蛟綃裙
六幅萬朵天真我是東籬富貴人
霜寒睡起移就淺斟
鴛帳底買斷秋風判得黃金土價同

念奴嬌

連日雪意凄迷雲未解
嚴僕與勉夫江村眺望漫興賦此

暮雲樓閣送悠悠
今古飛鴻明滅欲到黃蘆洲
亂吐點綴微茫殘雪
淺水灣碕疏籬門徑淡抹牆腰月
灞橋清思向人一片愁絕
堪笑滕六羞慵三年刻楮慳放玲瓏葉爭得并刀雙練帶
裁出春風千靨重按瑤華新翻白苧舞趁金釵節
玉龍擎重爲予飛動麟

洞仙詞

去冬無雪新歲乃稍見正月二十日又大雪於是立春七日矣僕與勉夫對坐蕭齋即景漫賦

江楓汀樹掛寒雲
零亂天闊誰填莫愁滿散玉塵千斛粧口柴門
堪笑處天女多情恨晚
灞橋絲樣柳恰試鵝黃笛裏東風便吹
斷莫話剡溪船乘興歸來早開了落梅庭院愛攬占西園做飛花
又不道春光暗中消滅

摸魚兒

正月九日勉夫暫入城因賦寄之

裏空濛凍雲如墨忽忽人在南浦灞橋蹇步
馱愁去遞與快帆輕
艣堪恨處正短燭燒殘未刻西窗句荒林斷莽便開了門前近人
鷗鳥此意向誰語
行藏事盡道曰天也悟
疑有流萍忽散還聚
玉缸春漲葡萄綠準擬千觴飛羽君聽取怕越客燈宵留滯吳簫
鼓江村夜午來共倚寒梅吹香弄影璧月照琪樹

江城子

余與勉夫應酬人事之餘頗浮沉於詩酒或者討其廢事以爲孔觀一月有二十九日醉也同舟因語及此吾二人抵掌大笑就口占一闕

占江城子一闕

江雲漠漠水潺潺
掛蒲帆水雲間更有何人得共此時閒
說與紅塵須左辟明鏡裏白鷗還
天風吹面雪消殘爲春寒放梅慳
咫尺吾廬稚子候柴關
幾首新詩千斛酒人道我轉癡頑

浣溪沙

和勉夫四首

一月寒陰不放春，打窓風雨太頻頻。竹床仰臥看承塵。客去祇

殘書葉亂愁來獨，有酒盃親鏡中白髮不饒人。

又

江上芹芽短試春，去年燕子定巢頻。數朝風伯但消塵。莫問孟

桓誰駕御，只緣嵇呂自情親。平生我亦不羈人。

又

欽燕啣將縹緲春，十分春恨入眉頻。粉綿休拭鏡奩塵。葱指試

拈瓊管，怯繡衾。翻與獸爐親爲題閨怨，定愁人。

又

鞭罷泥牛無好春，草青空入夢中頻。從今更有二分塵。我自醉

眠，那問客身猶如寄。更誰親百年同是，可憐人。

醉花陰

和張玉田閏元夕

綵鰲仙樂響空明，前度鳳來迎。月圓月缺，年年事是，今番特地關

心。五夜重判爛醉三分，尚有餘春。玉壺寒沁一天星，車馬氣如

雲籠紗，競逐香塵暗笑幽人門掩花陰未見，山中歷日夢中池草先青。

解連環

與金桂軒虎丘送春

燕忙鶯寂，驚千林稚綠半灣新碧。試送目官柳河橋，便攜酒餞春去。應無迹。岸曲殘英尙勾引行舟，攀摘茶笋香頓冷，瘦愁易感舊遊難覓。天開畫圖，綉壁看嵐光似染。雲翠凝滴，帶暝色飛入清吟爲小駐。蘭橈快尋芳，展細躡苔階，怕踏碎白雲，狼藉恨蕭蕭暮煙細雨，又還送客。

滿庭芳

余家園有蘭花，花開時未著葉，粲然可愛。勉夫同賞，訊余此花於諸中何所屬。余以爲木蘭之別種也。勉夫卽席賦余輒和之。

粉膩湯泉春溫，粟

原鈔作汎粟，汎不成立，疑當作湘。

六銖初掛，慵粧煙皋露曉異。

譜各傳芳，月地相逢，縹緲細凝佇。玉潤酥香，瓊姬意難憑，木筆寫恨寄王郎。蘇臺雙樹老，當年刺史看，似尋常。夢蘭如此客，不共飛觴。堪憐田家姊妹，黯憔悴，長伴蓉裳。應難比仙姿，淡雅裙幅，滿湘。

南柯子

嘲阿

玉雪娟娟秀鉛華淺淺塗生兒何事苦憐渠奈此繡綳珠絡小於菟轉眼長過戶他年畫作圖門生不用舉監口疑當作
鮪與看我醉眠牛背阿驄扶

以上趙本靜
春詞三十首

鷓鴣天子壽
母

柳色青青罩翠烟花光灼灼映臨川欲知窈窕呈祥日恰近清明淑景天浮瑞靄慶眞仙不須男女祝椿年異時早約西王母剩折蟠桃薦壽筵截江網
卷六

全宋詞卷二百七十八

徐瑞 一首

梁棟 二首

宋自遜 七首 附錄一首

葉闡 一首

江萬里 一首

王炎午 一首

袁士則 一首

王易簡 七首 附錄一首

趙淇 一首

張磐 二首

馮應瑞 一首

李居仁 二首

唐珙 四首

呂同老 四首

陳恕可 四首

唐藝孫 三首

徐瑞

瑞字山玉號松巢鄆縣人咸淳間應舉不第後推爲本邑書院山長有松巢集三卷附詞

點絳脣

多事春風年年綠遍江南草羅裙色好莫把相如惱夢入瑤臺

搔背麻姑爪還驚覺杜鵑啼早一夜相思老 松巢集

梁棟

棟字隆吉其先湘州人生於鄂州後遷鎮江咸淳四年進士選寶應簿調錢唐仁和尉入帥幕旋避地建上歸武林依弟柱於茅山以終

念奴嬌 夢春

一場春夢待從頭說與傍人聽著罨畫溪山紅錦幃舞燕歌鶯臺閣碧海傾春黃金買夜猶道看承薄雕香剪玉今生今世盟約

花庵中興以來
絕妙詞選九

蔣山溪

壺山居士未老心先懶愛學道家辦竹几蒲團茗椀青山可買
小結屋三間開一徑俯清溪脩竹栽教滿客來便請隨分家常
飯若肯小留連更薄酒三杯兩瓊吟詩度曲風月任招呼身外事
不關心自有天公管花庵中興以來
絕妙詞選

滿江紅

舉扇西風又十載重遊秋浦對舊日江山錯愕鬢絲如許世事興
亡空感慨男兒事業誰堪數被老天開眼看人忙成今古江上
路喧聲鼓山中地紛豺虎謾乾坤許大着身何處名利等成狂夢
寐文章亦是閒言語賴雙投酒熟蟹螯肥忘羈旅同上

書錦堂上李
真州

荷葉龜遊庭臯鶴舞應是秋滿淮涯昨夜將星明處彷彿峨眉干
戈已淨銀河淡塵沙不動翠烟微邦人道半月中秋當歌不飲何
爲誰知心事遠但感慨登臨白羽頻揮恨不明朝出塞獵獵旌

須信歡樂過情閑噴冷妬一陣東風惡韻白嬌紅消瘦盡江北江
南零落骨朽心存恩深緣淺忍把羅衣着蓬萊何處雲濤天際冥

宋遺民錄
卷十二

邁陂塘登鳳
凰臺

枕寒流碧縈衣帶高臺平與雲倚燕來鶯去誰爲主磨滅謫仙吟
墨愁思裏待說與山靈還又羞拈起簫韶已矣甚竹實風摧桐陰
雨瘦景物變新麗江山在認得劉郎阿寄年來聲譽休廢英雄
不博胭脂井誰念故人衰悴時有幾便鳳去臺空莫厭頻遊此興
亡過耳任北雪迷空東風換綠都付夢和醉同上

宋自遜

自遜字謙父號壺山南昌
人所著樂府名漁樵笛譜

西江月

何敢笑人千祿自知無分彈冠只將貧賤博清閒留取書遮老眼
世上風波任險門前路徑須寬心無妄想夢魂安萬事鶴長鳬

旗文南一矢澶淵勁夔門三箭武關奇挑燈看龍吼傳家舊劍曾

斬吳曦

翰墨大全
丁集三

沁園春

送戴
石屏

歸去來兮田園將蕪云胡不歸既有詩千首如斯者少行年七十
從古來稀地闕東南天傾西北人事何緣有足時江湖上轉不如
前日步步危機石屏自有柴扉占海岸潮頭岸一磯喚綵衣孫
子携壺挈榼白頭翁媼舉桮齊眉身外聲名世間夢幻萬事一醒
無是非書來往都不須長語直寫心期

花庵中興以
來絕妙詞選

賀新郎

雪堂用
東坡

喚起東坡老問雪堂幾番興廢斜陽衰草一月有錢三十塊何苦
抽身不早又底用北門擣藻儋雨蠻烟添老色和陶詩翻被淵明
惱到底是忘言好周郎英發人間少謾依然烏鵲南飛山高月
小歲月堂堂留不住此世何時是了算不滿英雄一笑我有豐淮
千斗酒把新愁舊恨都傾倒三弄笛楚天曉

同

又

夕七

附錄

賀新郎

括東坡後
赤壁賦

靈鵲橋初就記迢迢重湖風浪去年時候歲月不留人易老萬事
茫茫宇宙但獨對西風搔首巧拙豈關今夕事奈癡兒駭女流傳
謬添話柄柳州柳道人識破灰心久只好風涼月佳時疎狂如
舊休笑雙星經歲別人到中年已後雲雨夢可曾常有雪藕調冰
花熏茗正梧桐雨過新涼透且隨分一杯酒

同上

步自雪堂去望臨臯將歸二客從余遵路木葉蕭蕭霜露降仰見
天高月吐共對影行歌頻顧月白風清如此夜歎無肴有酒成虛
度聞薄暮網罾舉歸而斗酒謀諸婦便携鱗載酒相從舊追遊
處斷岸橫江尋赤壁不復江山如故但放舟中流容與客去冥然
方就睡夢踰隨羽衣揖余語相顧笑遂驚寤

歷代詩餘
九十五

案類編草堂詩餘四引上開與宋謙父七夕
詞銜接不注撰人歷代詩餘以爲宋作失之

以上趙本漁樵笛
譜七首附錄一首

葉 閭

閭字史君號秋臺又號直庵金華人咸淳間守南康

摸魚兒

倚薰風畫闌亭午采蓮桑艣如語紅裙濺水鴛鴦濕幾度雲朝雨
暮遊冶處最好是小橋芳樹尋幽趣繡簾低護任涼人霜執月侵
冰簟長夏等閒度都如夢悵望遊仙舊侶遺踪今在何許愁予
渺渺瀟湘浦檻竹空敲朱戶黯無緒念多情文園曾草長門賦酒
酣自舞笑滿袖縑塵數莖霜鬢羞殺照溪鷺

陽春白雪卷五

江萬里

萬里字子遠號古心都昌人太學上舍出身度宗朝同知樞密院事進參知政事忤賈似道退居鄱陽元兵至城陷赴止水死贈太師益國公

謚文忠

水調歌頭

壽二親

生日重重見餘閨有新春爲吾母壽富貴外物摠休論且說家懷

舊話教學也曾菽水親意儘欣欣只此是真樂樂豈在邦君 吾
二老常說與要廉勤廬陵幾千萬戶休戚屬兒身三瑞堂中綠醕
釀就滿城和氣端又屬人倫吾亦老吾老誰不敬其親

藏江網卷六

王炎午

炎午初名應梅字鼎翁別號梅邊咸淳間補太學生臨安陷謁文天祥
毀家以助軍餉天祥留置幕府已而以母病歸未幾天祥被執應梅作
生祭文以勵其死
所著曰吾汝稿

沁園春

挽徐元杰

又是年時杏紅欲臉柳綠初芽柰尋春步遠馬嘶湖曲賣花聲過
人唱鶯紗暖日晴烟輕衣羅扇看遍王孫七寶車誰知道十年魂
夢風雨天涯 休休何必傷嗟謾贏得青青兩鬢華且不知何代
不知江左燕子誰家世事無情天公有意歲歲東風歲歲花拚一
笑且醒來盃酒醉後盃茶

宋遺民錄

袁士則

士則號漁村詞綜補遺云按鐵網珊瑚載士則跋趙彞齋梅竹詩紀年爲咸淳丁卯跋中稱自江右歸少室當是中州人

蘭陵王和清真

大堤直嫋嫋游雲蘸碧蘭舟上曾記那回拂粉塗黃弄春色施顰
託傾國金縷尊前勸客陽臺路烟樹萬重空有相思寄魚尺 飄
零歎萍跡自懶展羅衾羞對瑤席折釵分鏡盟難食看桃葉迎笑
柳枝垂結萋萋芳草暗水驛腸斷畫闌北 寒惻淚痕積想柱鴈
塵侵籠羽聲寂天涯流水情何極悲沈約寬帶馬融怨笛那堪燈
幌聽夜雨鎮暗滴陽春白雪卷六

王易簡

易簡字理得號可竹山陰人登進士除瑞安簿不赴隱居城南有山中觀史吟

齊天樂寄長安賦

宮烟曉散春如霧參差護晴窗戶柳色初分錫香未冷正是清明
百五臨流笑語映十二闌干翠嚔紅妒短帽輕鞍倦游曾徧斷橋
路 東風爲誰媚嫵歲華頓感慨雙鬢何許前度劉郎三生杜牧

贏得征衫塵土心期暗數總寂寞當年酒籌花譜付與春愁小樓
今夜雨

醉江月

暗簾吹雨怪西風梧井淒涼何早一寸柔情千萬縷臨鏡霜痕驚
老雁影關山蛩聲院宇做就新懷抱湘皋遺珮故人空寄瑤草
已是搖落堪悲飄零多感那更長安道衰草寒燕吟未盡無那平
烟殘照千古閑愁百年往事不了黃花笑漁樵深處滿庭紅葉休
埽

慶宮春謝草窗惠詞卷

庭草春遲汀蘋香老數聲珮悄蒼玉年晚江空天寒日暮壯懷聊
寄幽獨倦游多感更西北高樓送目佳人不見慷慨悲歌夕陽喬
木 紫霞洞官雲深嫋嫋餘香鳳簫誰續桃花賦在竹枝詞遠此
恨年年相觸翠櫺芳字謾重省當時顧曲因君凝竚依約吳山半
痕蛾綠以上三首見絕妙好詞卷六

天香龍涎香

煙嶠收痕雲沙擁沫孤槎萬里春聚蠟杵冰塵水研花片帶得海
山風露纖痕透曉銀鏤小初浮一縷重剪紗窗暗燭深垂繡簾微
雨餘馨惱人最苦染羅衣少年情緒謾省珮珠曾解蕙羞蘭妬
好是芳釵翠嫵恨素被濃熏夢無據待剪秋雲殷勤寄與

水龍吟

白蓮

翠裳微護冰肌夜深暗泣瑤臺露芳容淡泞風神蕭散凌波微步
西子殘妝環兒初起未須勻注看明璫素機相逢憔悴當應被熏
風誤十里雲愁雪妬抱淒涼盼嬌無語當時姊妹朱顏褪酒紅
衣按舞別浦重尋舊盟唯有一行鷗鷺伴玉顏月曉盈盈冷豔洗
人間暑

摸魚兒

草

怪蛟宮水晶簾捲冰痕初斷香縷柔波蕩槳人難到三十六陂烟
雨春又去伴點點荷錢隱約吳中路相思日暮恨洛浦娉婷芳釵
剪翠奩影照淒楚功名夢消得西風一度高人今在何許鱸香
菰冷斜陽裏多少天涯意緒誰記取但枯跂紅鹽溜玉凝秋筋樽

前起舞算唯有淵明黃花歲晚此興共千古

齊天樂

碧雲深鎖齊姬恨纖柯暗翻冰羽錦瑟重調綃衣乍著聊飲人間
風露相逢甚處記槐影初涼柳陰新雨聽盡殘聲爲誰驚起又飛
去商量秋信最早晚來吟未徹都是淒楚斷韻還連餘悲似咽
欲和愁邊佳句幽期誰語怕寒葉凋零蛻痕塵土古木斜暉向人
懷抱苦

以上四首見
樂府補題

附錄

摸魚兒

草

過湘皋碧龍驚起冰涎猶護髻影春洲未有菱歌伴獨占暮烟千
頃呼短艇試剪取纖條玉溜青絲疊尊前細認似水面新荷波心
半捲點點翠釵淨淒涼味酪乳那堪並比吳鹽一箸秋冷當時
不爲鱸魚去聊爾動渠歸興還記省是幾度西風幾處吹愁醒鷗
昏鷺暝謾換得霜痕蕭蕭兩鬢羞與共愁鏡

歷代詩餘
卷九十二

案此首樂府補題作佚名
歷代詩餘誤作可竹詞

趙淇

淇字元建葵次子宋末直龍圖閣廣東路發運使加右文殿脩撰尚書刑部侍郎元至元間行省承制署廣東宣撫使入見世祖拜湖南道宣慰使卒贈湖廣行省參知政事追封天水郡公諡文惠有文集二十卷圖繪寶鑑云趙淇號平遠又號太初道人故合而曰平初又號靜華翁

謁金門

吟望直春在闌干咫尺山插玉壺花倒立雪明天混碧 曉露絲

絲瓊滴虛揭一簾雲濕猶有殘梅黃半壁香隨流水急絕妙好詞卷五

張磐

磐字叔安號梅屋宋末為噪令有梅屋集

綺羅香

漁浦有感

浦月窺檐松泉漱枕屏裏吳山何處暗粉疏紅依舊為誰勻注都負了燕約鶯期更閒却柳烟花雨縱十分春到郵亭賦懷應是斷腸句 青青原上蕎麥還被東風無賴翻成離緒望極天西惟有

隴雲江樹斜照帶一縷新愁盡分付暮潮歸去步閒階待卜心期落花空細數絕妙好詞卷六

浣溪紗

習習輕風破海棠鞦韆移影上迴廊畫長蝴蝶為誰忙 度柳早鶯分暖綠過花小燕帶春香滿庭芳草又斜陽同上

馮應瑞

應瑞字祥父號友竹

天香

龍涎香

枯石流痕殘沙擁沫曬宮夜蟄驚起海市收時鮫人分處誤入衆芳叢裏春霖未就都化作淒涼雲氣惟有清寒一點消磨小窓殘醉 當年翠簫素被拂餘薰倦懷如水謾惜舞紅猶在為誰重試幾片金昏字古向故簾聊將伴憔悴□□□□□□□□樂府補題

李居仁

居仁字師
呂號五松

天香龍涎香

瀛嶠浮煙滄波挂月潛虬睡起清曉萬里槎程一番花信付與露
薇冰腦纖雲漸暖凝翠席氤氲不了銀葉重調火活珠簾日垂風
悄螺屏酒醒夢好繡羅幃依舊痕少幾度試拈心字暗驚芳抱
隱約仙舟一作洲路杳謾佩影玲瓏護嬌小素手金篝春情未老樂府補題

水龍吟蓮白

藥仙羣擁宸遊素肌似怯波心冷霜裳縞夜冰壺凝露紅塵洗盡
弄玉輕盈飛瓊綽約淡妝臨鏡更多情一片碧雲不掩籠嬌面回
清影菱唱數聲乍聽載名娃藕絲縈艇雪鷗沙鷺夜來同夢曉
風吹醒酒暈全消粉痕微漬色明香瑩問此花盍貯瑤池應未許
繁紅並上同

唐珏

珏字玉潛號菊山越州人至元間與林景熙同爲採藥之行潛廬諸陵
遺骨樹以冬青謝翱作冬青引紀之泝人袁俊官越延致之爲買田宅

水龍吟以給焉 蓮白

淡妝人更嬋娟晚匿淨洗鉛華膩冷冷月色蕭蕭風度嬌紅斂避
太液池空霓裳舞倦不堪重記歎冰魂猶在翠輿難駐玉簪爲誰
輕墜別有淩空一葉泛清寒素波千里珠房淚溼明璫恨遠舊
遊夢裏羽扇生秋瓊樓不夜尙遺仙意奈香雲易散綃衣半脫露
涼如水

摸魚兒草

漸滄浪凍痕消盡瓊絲初漾明鏡鮫人夜翦龍髯滑纖就水晶簾
冷鳬葉淨最好似嫩荷半捲浮晴影玉流翠凝早枯鼓融香紅鹽
和雪醉齒嚼清瑩功名夢曾被秋風喚醒故人應動高興悠然
世味渾如水千里舊懷誰省空對景奈回首姑蘇臺畔愁波暝烟
寒夜靜但只有芳洲蘋花共一作與老何日泛歸艇

齊天樂蟬

蠟一作蛻痕初染仙莖露新聲又移涼影佩玉流空綃衣翦霧幾度